



DEPUTACIÓN PROVINCIAL DE A CORUÑA

Acta da sesión EXTRAORDINARIA celebrada pola Excma.
CORPORACIÓN PROVINCIAL o 4 de agosto de 2023



RELACIÓN DE ASUNTOS TRATADOS NO PLENO EXTRAORDINARIO CELEBRADO O 4 DE AGOSTO DE 2023

ASUNTOS

Información e actas

1. Proposición da Presidencia para a formalización dun convenio de colaboración entre a Axencia de Turismo de Galicia e a Deputación Provincial da Coruña para o cofinanciamento de actuacións de promoción turística na provincia da Coruña.



Acta da sesión extraordinaria celebrada pola Excma. CORPORACIÓN PROVINCIAL o 4 de agosto de 2023.

No salón de sesións do Pazo provincial da Coruña, o día 4 de agosto de 2023, reúnese a Excma. Corporación provincial para celebrar sesión extraordinaria.

Preside en ausencia do titular: don Xosé Regueira Varela, presidente en funcións da Corporación Provincial.

Deputados/as

Asistentes:

Dona María Soledad Agra Tuñas	BNG
Don José Ramón Amado De La Fuente	PP
Don Evaristo Ben Otero	PP
Don José Manuel Caamaño López	PP
Don José Carlos Calvelo Martínez	PP
Dona Cristina Capelán Cancelo	PSOE
Don Bernardo Fernández Piñeiro	PSOE
Dona Izaskun García Gorostizu	PP
Dona Rosa Ana García López	PSOE
Dona Cristina García Rey	BNG
Don Ángel García Seoane	AVV
Dona María Del Mar García Vidal	PSOE
Dona Natividad De Jesús González Rodríguez	BNG
Don José Manuel López Varela	PP
Don Miguel Lorenzo Torres	PP
Don Carlos Martínez Carrillo	PP
Dona María Del Mar Méndez Vilela	PP
Dona Eudoxia María Neira Fernández	PSOE
Dona María Jesús Novo Gómez	PP
Don Xosé Luis Penas Corral	BNG
Don Fernando Pérez Fernández	PP
Don Xosé Regueira Varela	BNG
Don Roberto Rey Martínez	PP
Don José Ramón Rioboo Castro	PSOE
Don Roberto Rodríguez Martínez	PP
Dona Mónica Rodríguez Ordóñez	PSOE
Dona Susana María Sanjurjo Fraga	PP

Excusados/as:

Don José Manuel Lage Tuñas	PSOE
Don Antonio Leira Piñeiro	PSOE
Dona Avia Veira González	BNG

Actúa como secretaria: Amparo Taboada Gil, secretaria xeral da Deputación Provincial da Coruña.

Está presente o interventor xeral, don José Manuel Pardellas Rivera.

Aberto o acto ás 12:40 horas, tratáronse os seguintes asuntos:



1.- Proposición da Presidencia para a formalización dun convenio de colaboración entre a Axencia de Turismo de Galicia e a Deputación Provincial da Coruña para o cofinanciamento de actuacións de promoción turística na provincia da Coruña.

INTERVENCIÓNS

Sr. Regueira Varela

Moi bo día a todas e a todos. Primeiro agradecer que a día catro de agosto poidades estar todas e todos aquí, e a verdade, primeiro temos que votar a xustificación da inclusión na orde do día do punto. É un convenio que, a verdade é que partiu a tramitación a convocatoria, ou as convocatorias electorais, debería estar xa asinado en torno ao mes de maio coa Axencia de Turismo de Galicia, estamos a estas alturas e hai moito présa en asinar porque hai eventos que están comprometidos coa Axencia de Turismo que, ou ben hai que contratar, ou ben hai que comprometer neste mes de agosto, polo tanto, había que celebrarlo si ou si.

Polo tanto, primeiro hai que proceder a votación da inclusión na orde do día.

Votación da inclusión do asunto na orde do día:

VOTACIÓN

Votan a favor: 27 deputados/as (14 do PP, 7 do PSOE, 5 do BNG e 1 de Alternativa dos Veciños).

Votan en contra: ningún/ha deputado/a

Abstéñense: ningún/ha deputado/a

Sr. Regueira Varela

Antes de pasar á lectura do punto, explicaros que, como os dicía, é un convenio coa Axencia de Turismo para varios eventos, ten un reparo por parte de Intervención, vai haber unha Comisión de Seguimento constituída polas dúas administracións, que vai ir, dalgunha maneira, definindo máis o convenio, porque hai un problema de definición, e logo tamén vai, dalgunha maneira, hai un compromiso da Deputación de o crédito, que o crédito que temos consignado estaba inicialmente preparado para o bono turístico, que este ano non o hai e, polo tanto, Intervención refire, evidentemente, que o crédito non é adecuado á partida que ten preparada a Axencia de Turismo de Galicia para recibilo, no primeiro Expediente de modificación de crédito, do mes de setembro, agardo, adecuarase o crédito, que existe o diñeiro, pero está na partida que non debe figurar. Polo tanto, habilitarase na partida debida.

Procedemos a votación.

Procédese á votación da proposición da Presidencia:



VOTACIÓN

Votan a favor: 27 deputados/as (14 do PP, 7 do PSOE, 5 do BNG e 1 de Alternativa dos Veciños).

Votan en contra: ningún/ha deputado/a

Abstéñense: ningún/ha deputado/a

ACORDO

O Pleno, por unanimidade, acorda:

"1º Dada a urxencia na tramitación do presente convenio de colaboración debido aos prazos que precisa a Xunta para a contratación dos servizos incluídos nas actividades obxecto do convenio, organización de congresos, necesidade de solicitar ás Federacións deportivas os eventos correspondentes e a organización de feiras gastronómicas, incluídas na época estival e a necesidade de formalizar un documento para que a Xunta o inclúa nas súas previsións de orzamento, motiva a necesidade da inclusión da presente proposición de Presidencia sen dictame previo da Comisión Informativa.

2º Considerando que á data de hoxe non se procedeu á constitución das comisións informativas que puideran avalar o ditame, en particular a comisión de Promoción turística, artesanía, comercio e cadea agroalimentaria.

3º Mediante o informe de levantamento de reparos achegado ao expediente número 2023000029617 o día 28/07/2023 quedan salvados os incluídos no informe de fiscalización do 28/07/2023, que incluía os seguintes:

A)Inexistencia de crédito ou que o proposta non é o axeitado.

-Inexistencia de crédito: No momento actual non existe crédito para afrontar o gasto proposto na aplicación orzamentaria 0510/4321/45101 indicada pola unidade xestora.

-Inadecuación da aplicación orzamentaria proposta segundo a natureza económica do gasto á vista da imputación orzamentaria económica que a Axencia de Turismo propón ao concepto orzamentario 640 "Gastos en inversións de carácter inmaterial", incumprindo a Orden EHA 3565/2008 de 3 de decembro pola que se aproba a estrutura dos orzamentos das entidades locais, modificada pola HAP 419/2014 de 14 de marzo.

B)Omisión no expediente de requisitos ou trámites esenciais

Non queda suficientemente definido o obxecto do convenio, así como os dereitos e obrigas das partes, incumprindo así o artigo 49 c) da Lei 49/2015, e imposibilitando unha adecuada verificación da aplicación dos fondos provinciais comprometidos.

4º Aprobar o texto do convenio de colaboración a subscribir entre a Excm. Deputación Provincial da Coruña e a AXENCIA DE TURISMO DE GALICIA, para financiar o "ACTUACIÓNS DE PROMOCIÓN TURÍSTICA NA PROVINCIA DA CORUÑA"



5º A aportación provincial prevista no convenio ascende a un total de 600.000,00 euros, que constitúe unha porcentaxe de financiamento do 50,00 % sobre un orzamento total de 1.200.000,00 €.

6º As actuacións de promoción previstas son:

- Promoción do Camiño de Santiago a través do turismo de congresos, cunha achega - máxima de cada entidade de 200.000,00 €
- Promoción do turismo deportivo a través do apoio a organización de eventos, cunha achega máxima de cada entidade de 200.000,00 €
- Promoción do turismo gastronómico a través do apoio á organización de feiras ou mostras vinculadas á gastronomía, cunha achega máxima de cada entidade de 200.000,00 €

7º A aportación provincial poderá facerse efectiva, de acordo coas previsións e requisitos fixados no convenio no apartado 10 do presente acordo con cargo á partida orzamentaria 0510/4321/75101 unha vez transferido o crédito actualmente dispoñible na partida 0510/4321/45101.

8º Unha vez formalizado o convenio de colaboración, constituiráse a Comisión de Seguimento do mesmo, e na primeira reunión que celebre, someteranse á súa aprobación;

- A determinación das actuacións incluídas no convenio con desagregamento completo de custos, establecendo liñas máis concretas das actividades a realizar e tipos de gasto por cada unha das mesmas, das que se dará conta ao Pleno, para o seu coñecemento e ratificación.
- Que unha vez realizadas as actividades obxecto do convenio, a Axencia de Turismo de Galicia aportará un certificado da boa realización das accións incluídas no convenio, informando sobre os gastos realizados cun nivel de desagregamento suficiente que incorpore todos os gastos e pagamentos efectuados, e ademais deberá achegar memoria de cumprimento de obxectivos.
- Dado que o convenio finaliza o 31 de decembro de 2023, a xustificación sera achegada non mais tarde do 28 de febreiro de 2024, e unha vez emitida a certificación e revisada pola unidade xestora tramitarase o pagamento da achega provincial.

9º Dado que a partida orzamentaria correspondente á Axencia de Turismo 04.A2.761A.640.9 pertence á definición de "Gastos realizados en un exercicio, no materializados en activos, susceptibles de producir sus efectos en varios ejercicios futuros, campañas de promoción de turismo", partida de grupo 6 e o crédito relativo ao proxecto foi orzamentado inicialmente polo ente provincial no EMC correspondente por un importe de 600.000,00 € na partida 0510/4321/45101, e ante a incompatibilidade que



se produce pola definición da clasificación económica dos mesmos, no primeiro EMC que se tramite na Deputación incluírse un movemento de baixa por anulación do crédito orzamentado na partida 45101 e que será enviado a unha partida do grupo 7 que corresponda para a correcta compatibilidade co tipo de gasto determinado pola Axencia de Turismo.

10º En todo caso, non se realizará ningún acto de disposición de fondos ata que sexa aprobada con carácter definitivo a devandita habilitación no correspondente Expediente de Modificación de créditos. Unha vez entre en vigor o Expediente de Modificación de Créditos poderánse levar a cabo as actuacións previstas na cláusula segunda do convenio.

11º O texto do convenio sería o seguinte;

CONVENIO DE COLABORACIÓN ENTRE A AXENCIA TURISMO DE GALICIA E A DEPUTACIÓN PROVINCIAL DA CORUÑA PARA O COFINANCIAMENTO DE ACTUACIÓNS DE PROMOCIÓN TURÍSTICA NA PROVINCIA DA CORUÑA

Santiago de Compostela

REUNIDOS

Dunha parte, Dº. Xosé Manuel Merelles Remy, director da **Axencia de Turismo de Galicia**, en virtude do nomeamento efectuado polo Decreto 100/2023, do 29 de xuño (DOG núm. 124, do 30 de xuño), e conforme ás facultades que lle confire o apartado dous da disposición adicional segunda do Decreto 108/2022, do 16 de xuño, de estrutura orgánica dos órganos superiores e de dirección dependentes da Presidencia da Xunta de Galicia (DOG núm. 117, do 20 de xuño), que desconcentra na titular da Dirección da Axencia a competencia para subscribir convenios de colaboración no seu respectivo ámbito competencial, de acordo co previsto no artigo 15.2.c) dos estatutos da Axencia Turismo de Galicia, aprobados polo Decreto 196/2012, do 27 de setembro (DOG núm. 193, do 9 de outubro).

Doutra parte D. Xosé Regueira Varela, presidente en funcións da **Deputación provincial da Coruña**, (CIF P1500000C), que actúa en nome e representación daquela, en virtude das atribucións que lle confire o artigo 106 da Lei 5/1997, do 22 de xullo de administración local de Galicia e concordantes da Lei 7/1985, do 2 de abril, reguladora das Bases de Réxime Local.

Interveñen en función dos seus respectivos cargos en exercicio das facultades que, para convir en nome das entidades que representan, teñen conferidas

EXPOÑEN

Primeiro.- Que a Comunidade Autónoma de Galicia, segundo o disposto no artigo 27.21 do Estatuto de autonomía de Galicia, ten competencia exclusiva en materia



para a promoción e ordenación do turismo.

Segundo.- Que a Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

Para lograr esta finalidade a Axencia Turismo de Galicia, acomete no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos

Terceiro.- Que entre as competencias que, no relativo ás relacións coas entidades locais galegas, corresponden á Xunta de Galicia, de acordo co disposto nos artigos 194 y 195 da Lei 5/1997, do 22 de xullo, de Administración local de Galicia, está a de cooperación e colaboración, podéndose levar a cabo mediante a subscripción de convenios

Cuarto.- Que, de acordo co artigo 6 da Lei 7/2011, de 27 de outubro, do Turismo de Galicia, corresponde ás entidades locais supramunicipais, sen prexuízo das competencias establecidas pola lexislación de réxime local, a promoción dos recursos turísticos que se determinen dentro do seu ámbito territorial, en coordinación con todos os entes locais afectados e a Administración autonómica

Quinto.- Que o proxecto a desenvolver entre a Axencia de Turismo de Galicia e a Deputación da Coruña, a través do presente convenio de colaboración, contribuirá á promoción da Comunidade Autónoma de Galicia como destino turístico privilexiado e singular, e á divulgación da cultura xacobeá; ademais favorecerá a imaxe de Galicia como destino fornecedor de grandes eventos, o que porá en valor á nosa Comunidade Autónoma como un destino turístico único caracterizado pola súa excelencia e calidade.

Sexto.- Que o apoio económico para a promoción de grandes eventos de toda índole, desde culturais, artísticos, deportivos ata gastronómicos, supón unha gran repercusión mediática, de tal xeito que, en moitos casos, o investimento económico chega a multiplicarse de forma exponencial en función da importancia do evento.

As grandes feiras, congresos e eventos culturais ou deportivos, implican ademais un gran impacto económico e turístico que chega máis aló mesmo das datas que abarca o evento. Hoteis e restaurantes, independentemente do seu número de estrelas ou prezo, conseguen a plena ocupación durante a celebración de eventos, mellorando incluso o puntal que se alcanza durante os períodos de vacacións.

Sétimo.- Que co obxecto de promover a imaxe de Galicia, a Axencia Turismo de Galicia e a Deputación da Coruña consideran esencial colaborar na promoción de



eventos, posto que se trata dunha acción de interese común, cofinanciada polas partes e con beneficios conxuntos e que está definida para acadar o obxectivo de promover o turismo na provincia da Coruña e na Comunidade Autónoma de Galicia.

En consecuencia, as partes acordan subscribir o presente convenio con suxeición ás seguintes

CLÁUSULAS

Primeira.- Obxecto do convenio.

Constitúe o obxecto deste convenio establecer o marco da colaboración entre as partes asinantes para o cofinanciamento de actuacións de promoción turística na provincia da Coruña no ano 2023.

As actuacións obxecto deste convenio executaranse por parte da Axencia de Turismo de Galicia mediante a tramitación dos oportunos instrumentos administrativos de acordo coa normativa vixente.

As actuacións de promoción previstas son:

- Promoción do Camiño de Santiago a través do turismo de congresos, cunha achega máxima de cada entidade de 200.000,00 €
- Promoción do turismo deportivo a través do apoio a organización de eventos, cunha achega máxima de cada entidade de 200.000,00 €
- Promoción do turismo gastronómico a través do apoio á organización de feiras ou mostras vinculadas á gastronomía, cunha achega máxima de cada entidade de 200.000,00 €

Segunda.- Orzamento e operativa da colaboración.

O importe máximo do proxecto estímase nun total dun millón douscentos mil euros (1.200.000 €), coa seguinte distribución:

- A Axencia de Turismo de Galicia, un máximo de seiscentos mil euros (600.000,00 €) con cargo á aplicación orzamentaria 04.A2.761A.640.9, código de proxecto 2013 00004.
- A Deputación provincial da Coruña, un máximo de seiscentos mil euros (600.000,00€) con cargo á aplicación orzamentaria 0510/4321/45101

Os fondos comprometidos pola Deputación provincial da Coruña xerarán crédito na antedita aplicación orzamentaria 04.A2.761A.640.9 código de proxecto 2013 00004.



Estes fondos comprometidos pola Deputación provincial da Coruña ingresaranse, unha vez asinado este convenio, no Tesouro Público da Xunta de Galicia na súa conta operativa aberta na entidade ABANCA (Conta nº: ES96 2080 0388 2731 1000 2484), no concepto de: Colaboración financeira coa Axencia de Turismo de Galicia para o cofinanciamento de actuacións de promoción turística na provincia da Coruña.

Xustificada a boa execución das actuacións cofinanciadas, a Axencia de Turismo de Galicia remitirá certificación da total realización da mesma e de que os fondos se destinaron ao financiamento das accións descritas neste convenio.

Terceira.- Compromiso das partes.

A Axencia Turismo de Galicia comprométese á tramitación dos correspondentes instrumentos administrativos para canalizar as colaboracións.

Nos procedementos administrativos a Axencia Turismo de Galicia axustará toda a súa actuación ao disposto na lexislación vixente en materia de contratación pública e de réxime xurídico do sector público.

A Deputación Provincial de Coruña comprométese ao cofinanciamento das distintas actuacións de promoción turística de Galicia e da provincia da Coruña de acordo co establecido na cláusula segunda.

Na información que se difunda sobre as actuacións obxecto deste convenio, tanto nos medios de comunicación como no material informativo que se puidera distribuír deberase facer constar sempre o financiamento da Xunta de Galicia e da Deputación Provincial da Coruña, así como incluír a “Marca Turística de Galicia”, de acordo co Decreto 121/2011, do 16 de xuño, polo que se aproba a marca turística de Galicia e se regula a súa utilización (DOG núm. 125, do 30 de xuño)..

Cuarta.- Inexistencia de relación laboral.

A subscrición do presente convenio non implicará relación laboral ou de calquera outra natureza entre a Axencia Turismo de Galicia, e as persoas ou profesionais que desenvolvan as accións que constitúen o obxecto do mesmo, de xeito que non se lle poderá esixir responsabilidade algunha directa nin subsidiaria por actos ou feitos acaecidos no desenvolvemento deste.

Quinta.- Comisión de seguimento.

Para o seguimento do convenio e da súa execución así como para propoñer solucións aos conflitos que poidan xurdir na aplicación e interpretación das cláusulas do convenio constituirase unha comisión de seguimento que estará integrada por un representante designado por cada unha das partes asinantes.

A actuación da Comisión de Seguimento axustarase ao establecido nos preceptos básicos da Lei 40/2015, do 1 de outubro, de réxime xurídico do sector público, e na Lei 16/2010, de 17 decembro, de organización e funcionamento da administración xeral e do sector público autonómico de Galicia.



Sexta.- Modificación do convenio.

As modificacións do convenio adoptaranse por acordo expreso e escrito das partes asinantes, e de acordo cos trámites que esixa a normativa vixente.

Sétima.- Causas de resolución.

Serán causas de resolución deste convenio:

- O incumprimento do seu obxecto.
- O incumprimento total ou parcial de calquera das cláusulas que nel se establecen.
- O transcurso do tempo fixado sen que se executen e/ou xustifiquen as actuacións obxecto da subvención ou sen se ter acordado a súa prórroga.
- O acordo unánime de todos os asinantes.

- A decisión xudicial declarativa da nulidade do convenio.

- Calquera outra causa prevista nas leis.

Oitava.- Natureza xurídica, réxime xurídico e xurisdición competente.

A este convenio seralle aplicable o réxime xurídico previsto nos artigos 47 a 53 da Lei 40/2015, do 1 de outubro, do réxime xurídico do sector público, concibíndose como un convenio de carácter administrativo que se rexe polas súas cláusulas e, no seu defecto, aplicaráselles os principios establecidos na norma reguladora de contratos do sector público, para resolver as lagoas e dúbidas que se puidesen presentar

As controversias derivadas da aplicación ou interpretación do presente convenio serán resoltas en última instancia pola persoa titular da Dirección da Axencia Turismo de Galicia, cuxas resolucións poñen fin a vía administrativa. Será competente a xurisdición contencioso-administrativa para resolver na vía xurisdiccional as citadas controversias.

Novena.- Publicidade e rexistro do convenio. Consentimento para a publicidade de datos persoais que figuran no convenio.

En cumprimento do disposto na Lei 1/2016, do 18 de xaneiro, de transparencia e bo goberno as persoas asinantes do convenio manifestan o seu consentimento para que os datos relacionados co obxecto do convenio poidan ser publicados no Portal de Transparencia e Goberno Aberto e a Dirección da Axencia Turismo de Galicia remitirá os datos necesarios para a publicidade do acordo nos rexistros públicos e informará na súa páxina web oficial da subscripción cos seguintes datos básicos: identificación das partes, data da sinatura, finalidade e período de vixencia. A sinatura do acordo leva implícita a autorización para o tratamento necesario dos datos e a referida publicidade.

No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos do presente convenio serán remitidos á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto. e co debido respecto á protección dos datos de carácter persoal,



segundo o previsto na Lei orgánica 3/2018 de 5 de decembro de Protección de Datos Persoais e garantía dos dereitos dixitais.

Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

Décima.- Protección de datos persoais.

As partes asinantes responsabilizaranse de que calquera tratamento de datos persoais que puideran levarse a cabo en virtude do mesmo se realice con absoluto respecto ás normas de seguridade e de conformidade co establecido no Regulamento 2016/179 (UE) Xeral de Protección de datos (en adiante, RXPD), na Lei Orgánica 3/2018, do 5 de decembro, de protección de datos persoais e garantía dos dereitos dixitais (en adiante, LOPDGDD) e demais normativa concordante.

Os datos persoais das persoas físicas asinantes do Convenio serán tratados polos asinantes unicamente para a adecuada formalización e desenvolvemento do mesmo e en base ao disposto no artigo 6.1 b) do RXPD.

Décimo primeira.- Vixencia.

Este convenio entrará en vigor na data da súa sinatura e terá vixencia ata o 31 de decembro de 2023.

Décimo segunda.- Notificación electrónica.

Segundo o artigo 14.2 da Lei 39/2015, do 1 de outubro, do procedemento administrativo común das administracións públicas, os colectivos que están obrigados a relacionarse a través de medios electrónicos coas administracións públicas, e polo tanto, a recibir notificacións por canles electrónicas son: as persoas xurídicas, as entidades sen personalidade xurídica, os colexios profesionais, os que representen un interesado que estea obrigado a relacionarse electronicamente coa Administración e, os empregados das administracións públicas para os trámites que realicen con elas por razón da súa condición de empregado público.

As notificacións realizaranse só por medios electrónicos a través do Sistema de Notificación Electrónica de Galicia Notifica.gal, (<https://notifica.xunta.gal>). Para poder acceder a unha notificación electrónica, o interesado deberá contar cun certificado electrónico asociado ao NIF que figure como destinatario da notificación (persoa física ou xurídica). Así mesmo, o interesado pode autorizar a calquera outra persoa a acceder ao contido das súas notificacións.

E en proba de conformidade de canto antecede, asinan este documento dixitalmente

Pola Axencia Turismo de Galicia
Xosé Manuel Merelles Remy



Pola Deputación provincial de Coruña
Xosé Regueira Varela"

Sr. Regueira Varela

Moitas grazas, non hai máis asuntos, moitas grazas por vir e vémonos no próximo ordinario.

Non tendo máis asuntos que tratar, a presidencia dá por rematada a sesión ás 12:43 horas.